

鄭端簡公奏議

鄭端簡公奏議卷之十

門人項篤壽校梓

淮陽類

乞留江北府州預編徭銀疏

題爲倭寇猖獗軍餉不充懇乞撫處以濟急用事據
直隸淮安府申奉撫鎮衙門劄開倭寇船在餘東等
場劫虜恐奔突淮安廟灣盐城等處蒙調千百戶郭
宗撫等領兵廟灣防勦原任叅將王元伯把總周表
領兵淮城團練運司判官馬俞召募電勇本府同知
劉一中把總潘準領官軍宋簡周官等盐城等處住

劄委官陳詔等領兵船哨探又調百戶江東曉賽文等隨賊截殺百戶馬金赴馬邏巡檢司調兵前項官軍安家銀兩廩給口糧并雲梯關海州官軍月糧及賞功等項通共用過銀三千六百伍十三兩一錢查得先該本院題留軍餉在庫事例銀三千八百餘兩除前支銷外止有銀一百餘兩尚有廟灣殺賊官兵賞功銀二百餘兩不敷支用切照今日倭寇初犯鹽城廟灣與洋麻港地方雖該同知劉一中督兵盡勦未及旋師而日照倭賊又經贛榆海州沐陽清河桃源等處劫掠數日之間與師動衆所費不貲繼今以

後無一月無寇無一月不防官兵廩給行糧必得錢糧方克濟用況今府庫空虛雖所屬州縣俱有截留軍餉但連年兵荒兌軍本色尚乞蠲貸而截留錢糧雖嚴行追徵實各拖欠未納兵機急如星火臨時措處無及合無乞於無賊府州量將在庫堪動或緩解錢糧借發一二萬兩下府以濟軍前急用等因到臣據此照得今春防倭揚州府通計官軍七千餘員名各支行糧馬匹草料日費銀三百兩臣卽遵照戶部題奉欽依查取廬鳳淮三府徐滁和三州見貯錢帛稅契事例等銀解揚州府聽海防道募兵給餉應

用已盡議將戶部原發糴糧支運銀內借支二萬兩緣由已於本年五月初八日具題隨准戶部咨取前項銀十萬兩差官解部即行淮揚等府查取差官解部外今據前因卷查先准戶部咨爲緊急倭夷擁衆入寇懇乞天恩大破常格函發兵糧救援東南生靈事該本部議擬廬州滁和等府州應該嘉靖三十五年均徭人戶先行提編一年不分銀力二差責令俱納銀兩一應僉編民壯千兵查係未經倭寇并相離寫遠地方約以拾分爲率六分存留應用四分免其應役每名折收工食銀七兩二錢各府縣照數徵

本部咨爲倭寇十分緊急懇乞 天恩預處兵儲協
濟以振聲威以全東南大計事該本部議擬合無比
照近日總督尚書張 奏行提編蘇松等府均徭事
例通行各司府提編一年直隸淮揚鳳徐四府州廬
州滁和等府州限本年九月以裏各司府州徑行差
官解送總督軍門專備調集兵馬糧餉先將各該提
編數目送部查考等因節經覆奉 欽依備咨前來
已經通行撫屬四府三州各欽遵查照提編扣解緣
由在卷今淮安府申稱倭寇犯境興師動衆所費不

貲截留軍餉拖欠未納兵機急如星火除批行該府
即赴滁州查取事例稅契贓罰等銀不拘多寡解淮
目前急用餘候題 請截留三十五年預金俵銀備
用其揚州府所申議留戶部米銀二萬兩又已解還
外爲照江南調集大兵征勦卽今新舊倭寇奔突江
北淮北江防海防上下二千餘里出沒無定勢甚猖
獗供億浩繁若不急處兵糧先事爲備臨期缺乏貽
害地方所據原題江北府州提編均徭扣取民壯弓
兵工食類解軍門銀兩相應截留江北防倭浙西江
南各有別處備濟江北再無別處備濟豈得又復備

濟彼處見今倭寇侵擾淮揚二府月無虛日比之未
遇倭寇司府不同前項徭銀工食應留本地軍餉如
蒙伏望 皇上軫念江北 陵寢所在漕渠所在高
牆所在五月間日照賊直趨桃源去泗州鳳陽不過
三百餘里自瓜儀至沛縣運道一千二百餘里乞
勅該部再加詳議 俯從所擬通將鳳廬淮揚四府
徐滁和三州該嘉靖三十五年預僉徭銀不分銀力
二差責令上納銀兩與扣取民壯弓兵工食俱解江
北海防兵備道分發淮揚二府專備防倭軍餉應用
事寧之日銀兩有餘仍查解戶部支給邊餉地方幸

嘉靖三十四年六月十二日進奉 聖旨

勦逐江北倭寇疏

題爲大勢倭寇合夥逼近州城仰仗 天威官軍奮
勇殺敗奔入海洋生擒脅從斬獲首級事本年六月
初一日據整飭淮揚海防兵備右叅政兼副使張景
賢呈節據呂四掘港馬塘等場單家店等處報有倭
寇登刼本道會同叅將喬基差官督統官兵率令臨
場竄勇分投勦捕除陸續生擒倭寇并捉獲姦細九
名通連斬獲首級一百七十二名顯節經呈報外賊
知通州兵俱發如臯海門各鹽場追勦賊欲乘虛會

合併犯狼山本道料賊姦謀密調圓通州同知卞家
領兵同百戶伯求福胡文於南門外列陣千戶賈勇
百戶張寶在東門外列陣鎮撫呂圻彭遙西門外列
陣指揮張禾百戶余慶義勇官王美北門外列陣千
戶陳嘉謨陳厚仍領水兵把截去路又令知州翟澄
在西門判官施耀在北門吏目孫好仁在東門各城
上防守同知卞家兼督糧餉熟食往來協濟分布既
定至伍月拾柒日賊止離城叁拾餘里又遣指揮張
繼善領兵貳百伍拾名令之且戰且却誘賊近城以
待伏兵擒獲北時雨陰天晚賊不敢逼近離城十里

潛住當夜差驍勇顏隆周桐張柄崔新薛祥至賊營
周圍連放起火銃鉋使賊驚疑不安至拾捌日呂四
媽賊與東海賊共捌船至狼山前數里灣泊與前賊
併夥共壹千餘人料賊必來衝突隨令贊畫李奇方
宥會同百戶伯永福胡文等相度地勢於險隘去處
布置火砲待賊退避攻打又令千戶王欽鎮撫呂圻
吳子忠在於望江樓埋伏本道親在南城與叅將喬
基督戰至拾玖日早賊乘大霧兩翼包圍而來當有
百戶伯永福執旗先登胡文執弓矢同進各兵奮勇
向前內耆民毛守獨先衝鋒各賊披靡復有倭賊

人穿紅舞刀而來衝陣被同知甲冑百戶伯永福所
統部下親兵登沛朱雍等斬獲真倭首壹顆潘檟潘
檟同義官潘樞斬獲真倭首壹顆賊勢大敗城上銃
手王鉞專尚志等各用銃砲火箭并長箭手劉樞王
成王繼武孫位王志信陳成周均劉珊等用弓箭射
傷百拾餘人自辰至未大戰拾數合復至西門城角
間道掩襲百戶胡文等伏兵齊起賊見伏兵又城上
專尚志朱英等用砲打死執旗賊首貳人餘衆數人
各賊退回將打死倭賊擡去用火燒化復令同知甲
冑百戶伯永福發部下兵勇毛朋等伏路賊敗回伏

兵四起殺敗倭賊擒獲脅從并被虜人貳拾肆名發
州審究外比因大霧四塞霖雨繼作咫尺不辨難以
發兵前進隨有狼山巡檢尹柰同男尹仕義統領弓
兵乘勝亦殺死倭賊拾數餘人貪功割首尹柰返被
兩傍倭寇擁出殺死伊男尹仕義口稱與父同死於
敵殺退前倭背負父屍回營當夜懸重賞密令驍勇
周桐張柄崔新薛祥顏隆等夜至賊營放砲各賊亂
走貳拾日仍又大霧猛雨不止不敢進兵本夜仍令
周桐等到賊營放砲貳拾壹日乘霧開船又令鄉兵
成悖朱爵持火傷船賊已開洋水兵四面攻圍成悖

周梧等火箭射傷穿紅巨賊貳名打死從倭拾餘人其廟灣場倭寇已該本道見賊分枝東行劄委淮安府同知劉一中把總謝詔督兵勦捕去後近報斬首壹拾陸顆并生擒倭寇貳名通州海門縣各官兵竈勇斬首玖顆并前擒獲發州脅從及被虜人口貳拾貳日狼山賊逃遁福山等處江北倭寇已靜隨遣水兵千戶陳嘉謨領兵追襲貳拾伍日據本官稟稱隨同原差快手顏隆等至次日辰時行至江南常州府靖江縣地方探勦倭寇哨有賊船玖隻灣住彼處港內離江三里之遠又尋地方曹權報稱有倭寇肆百

餘人見今去攻本縣城池餘賊壹百伍拾餘人在於
馬沙東套口港守船比職密撥水兵楊雲路王夫馬
栢陳義等同原差快手共貳拾肆名前去哨探又撥
水兵壹百伍拾名東西貳路藏伏有賊壹拾叁人前
來隔港交戰快手張柄等用放火器見陣打死貳賊
隨被各賊搶回有快手周桐過港又用火器追打比
銃發破燒傷面目等處有賊隨後追走後被卑職伏
兵追賊各賊退奔本船當獲倭槍壹根倭箭壹拾肆
枝况各處再無兵船在江巡哨卑職將兵船布圍本
港套口候賊船出江勦捕另行報稟等情據此查

先斬倭首壹百陸拾叁顆生擒倭寇并姦細玖名節
經呈報訖今共斬首貳拾伍顆生擒倭寇貳名并脅
從被虜人貳拾肆名連前生擒并斬首共貳百貳拾
叁名顆除水陸布兵晝夜防守外爲照倭賊大勢逼
城城南大戰先登陷陣則有百戶伯永福胡文雖未
有擒獲之績而保全城外居民數千餘家無一人受
害全安之功不在斬馘之下同知印案領鄉兵則部
下斬獲數多給饋餉則各營士飽馬騰武官之功伯
永福胡文爲首文官之功印案爲首而耆民毛守奮
不顧身勇尤可取伏乞俯念臨敵用人之時此肆人

之功乃本道親眼與萬人共見非若往時傳聞之可比特爲甄錄以爲遠近奮勇者之勸其巡檢尹柰奮不顧身先挫賊銳死於王事情尤可憫尹仕義既能奮勇殺賊又能收全父屍功尤可嘉亦乞通爲題請查陣亡事例重行優恤加廕以爲死事忠孝者之勸賞不逾時其餘軍政所益不小爲此今將得獲倭刃叁拾玖把倭弓貳拾肆張倭衣壹拾叁件倭槍壹拾根倭箭貳百貳拾枝馬壹匹驢陸頭船柒隻理合呈報施行及據署管分守通泰原任叅將喬基亦呈稱同緣由到臣據此案照先據通州申伍月拾柒日

據本州探信快手孫煜走報倭寇約有貳叁百人從如臯縣丁堰鎮來至天生港泔沙一帶直抵狼山地方又據海門縣報稱倭寇四路爲害本月拾玖日午時忽有倭寇壹顆約有叁百餘人從山前南路到於南廟望僊橋隨有狼山巡檢尹柰與賊敵戰陣亡各寇直至南門橋下放火射人官兵敵退南行潛藏等情前來節行海防道分布官兵相機追勦去後今據前因查得淮安廟灣劉團浦地方斬獲首級壹拾陸顆生擒倭寇貳名并倭刀等件於本月貳拾貳日具本題 知外爲照江南調集大兵征勦卽今新舊倭

寇奔突江北淮北上下貳千餘里出沒無定勢甚猖獗今兵備張景賢申嚴號令明信賞罰親冒矢石督兵力戰百戶伯永福胡文同知甲案耆民毛守各奮勇血戰擒斬功多保全城外居民實皆仰仗天威也除將官耆伯永福等各給銀牌懸賞尹柰先行該道重加優恤再照巡檢尹柰官職雖卑矢心戮力禦寇殲身伊男旣能殺賊又全父屍相應褒恤量贈職級仍查照陣亡事例將伊男尹仕義量與壹官百戶伯永福胡文同知甲案耆民毛守肆員名先行給賞以勵將校并兵備張景賢耆將蔣基相應超格陞賞

通候查勘功罪至日另行具題外嘉靖叁拾肆年

陸月拾貳日進奉聖旨

勦滅淮北倭寇疏

題爲仰仗天威勦滅淮北倭寇事本年陸月初肆日據整飭徐州等處兵備副使劉天授呈蒙臣牌仰駐劄清河調度官兵截殺山東日照縣流入清河馬頭巡檢司地方倭寇隨於伍月貳拾陸日前到清河駐劄及動支山陽縣庫銀貳百伍拾兩委該縣主簿楊廉淮安衛經歷鄒鍾造飯給餉查得倭寇始自山東日照登岸經由沐陽桃源至張泗冲三汉口過黃

河渡安湖入淮河以至馬頭巡司官兵連日大雨屢戰未克陸月初叁日添募邳徐義勇官王大文朱繡等及調邳州衛署印徐州衛指揮張岱領到各營精兵董千等及桃源縣知縣傅以智原領鄉兵責令本院原差統兵官淮安府同知劉一中把總周表督赴戰陣各官兵奮勇與賊交戰斬獲首級徐邳官兵王大文貳顆張仲等壹顆韓卿等壹顆趙愷等壹顆任邦臣等壹顆王琰等壹顆李邦美等壹顆周清等壹顆段清等壹顆淮安官兵吳郁等壹顆千戶劉翱壹顆湯永言下叁顆周勇壹顆金現等壹顆桃源縣官

兵夏昇等與徐兵王景明共二顆把總楊天駿下五
顆顧清等二顆華恩一顆吳哲等一顆孫鉞等一顆
葉實等一顆陳爵一顆于順等一顆巡檢焦三省一
顆千戶吳繼勲一顆張遵一顆呂晴等一顆宋邦銳
等一顆共三十八顆生擒從賊一名并倭噐等件泗
州衛鎮撫戴堯臣一顆倭刀一把各報到道看得前
項首級各該官兵均有斬獲但其間有衝鋒破敵就
陣馘斬者有賊敗後撈勦者又有圍困燒死取獲者
難以槩論隨行同知劉一中分別等第定擬賞格緣
由開呈到道爲照前項功次本官督戰親見其事知

之必悉既經分別前來似爲得均內義勇官王大文
二顆淮安衛左所副千戶劉翺一顆充軍百戶吳郁
一顆俱不願領銀告願陞級其餘官兵無容別議外
如同知劉一中把總周表均承責委出謀奇中始追
趕於張泗冲雖未盡斬獲之功既圍困於馬頭鎮大
報堵殺之捷全軍無失窮寇盡絕及照知府蔡揚金
號令素嚴謀猷克壯當茲專城之重隱昭虎豹之勢
致茲克捷功不可泯參將王元伯領兵遏衝料敵制
勝尤宜上將之才可當一面之鋒至如本職猥以庸
才一籌莫展因人成事功非已出實由責成於劉一

中等付託得人委用亦效等因及據原任叅將王元
淮安府同知劉一中把總周表各呈相同緣由到
臣據此案照先爲仰仗 天威斬獲倭寇首級事內
據淮安府申據贛榆縣飛報倭賊船登山東日照縣
岸近山東安東衛地方在林子舖殺傷民人張質李
龍等三人又殺死一婦人各倭占守浦泉山約有四
五十人晝則入山夜則劫殺等情前來隨調附近沐
陽縣民兵赴彼策應緣由已於五月二十二日具本
題 知去後續據海州申據興莊場報稱保長王禮
等探得山東流來倭賊見有日照縣安東衛并贛榆

縣人馬在彼截殺貳拾一日守禦海州所申報海州
差哨官陳爵等十七日趕至興莊唐僧口迤東與寇
交鋒被寇殺死民快何住王子元楚成箭傷陳爵等
十八日倭寇至臨洪浦有賊衝陣軍人王袍用神槍
打倒倭賊一人海州民洪割去首級又用噴槍打倒
二倭首級贛榆縣民兵割去軍快徐友等止獲賊驢
伍頭倭箭三枝二十二日據興莊場報十七日倭寇
經過橋南殺死民人龍仁愛等二人又至地名清口
殺死民人周奉及戳傷民人張君時等四名又據安
東縣申十八日飛報倭寇在海州新圍莊哨官陳爵

驍快揚禮等截殺首級貳顆并手伍隻脚陸隻倭旗
貳面倭刀弓箭等件貳拾肆日委官淮安衛百戶江
東曉稟報貳拾叁日倭寇在劉家莊本職率領勇士
趕至八集地方遇有倭寇會沐陽縣官老約戰趕至
桃源縣趙家莊地方上陣對敵用火箭夾把鉞打死
倭寇在地衆倭一齊將勇士王敖等壹拾貳名殺死
部下勇士張仁殺死倭寇壹名當時擄去奪得船壹
隻宿遷縣申據白洋河老人周瑞捉獲倭寇壹名清
河縣申據老官亭老人漆銳報倭寇南行至本鎮將
陸鑒殺死又據淮安府申貳拾肆日賊在桃源縣張

泗冲地方殺死老人壹名小甲壹名貳拾伍日至黃
家嘴又殺死貳人貳拾柒日沐陽縣知縣朱璣稟報
桃源縣義民夏參父子家兵共貳拾餘人夏參男夏
尚德將賊壹槍戳倒欲取首級被賊赶上反坎參刀
陣亡其戳傷賊被衆賊擁下淮河去訖徐州壹人戳
賊壹槍被賊反回砍訖參刀陣亡百戶蹇文火箭射
中壹賊伍月貳拾柒日同知劉一中稟報貳拾陸日
到桃源縣三議鎮迤西黃家嘴探知寇在陳章家草
房歇宿我兵圍住衝敵未見勝敗徐州陳子實將倭
壹人連戳貳槍倒地欲取首級聞衆倭齊上將陳子

實殺死桃源縣會手將寇截傷得獲倭刀一把陸月
初一日桃源縣知縣傳以智稟報二十六日夏景等
用銳箭槍刀各行打傷倭寇奪得倭刀三把倭弓二
張箭二十枝倭竹噐布袋二件驢一頭不意叅更時
候各倭浮過河南職等追至三汊夏景孫祿殺死倭
寇一名得首級一顆二十八日三汊精壯董貴等鈎
住倭船殺死倭賊一名得首級一顆又據贛榆縣申
報驍勇宋祿與賊對敵斬獲首級一顆倭刀一把緣
由前來其時各官兵俱在汾海防守該臣會同鎮守
淮安總兵官萬 調遣沐陽縣知縣朱璣淮安衛百

戶江東曉賽文各兵前去海贛一帶截殺又令淮安府同知劉一中選帶徐州并鹽城戴罪報效獲功官吳郁等前去清河截殺把總周耒領兵清河浦防勦及分委把總指揮千百戶等官樂鏜潘準金詔張世功林本源等各選水兵戰船舫筏草灣柳浦灣雲梯關各停泊閑阻無令脫走下海原任叅將王元伯泗州衛鎮撫戴堯臣各選兵前去清河上流各堵截無容遁走又差淮安衛百戶馬金調取馬邏民兵前來聽同知劉一中調遣及行徐州兵備副使劉天啟駐劄清河往來督戰并調邵宿等處官兵併力勦

捕良淮安府庫銀四百兩發同知劉一中於見陣官
其內挑選好漢三百名每名先賞銀一兩官三兩令
其當先殺賊多備乾糧蒸炊宰殺猪口隨軍食用又
恐各賊係是倭奴前鋒後曹大夥結艘而至隨行穎
州兵備僉事朱舜民夜雨自淮馳至泗州督令衛州
官高鶴鳴羅尚綱嚴兵防護 祖陵又調池河守備
張文爵統兵五百名前來淮安城守陴備運道去後
今據前因會同總兵官萬議照節年倭寇往往先以
狡健數十人先行登岸躡路踏白若不就便勦滅得
還巢不日引類呼朋内外勾引動輒數千攻圍城邑

焚劫村鎮近日淮北地方沿江沿海各有兵馬賊徒
數至廟灣洋麻港雲梯關東西海所等處隨到隨勦
不得劫掠乃直出北海從山東日照縣登岸日照并
山東安東衛追兵回還賊遂從淮北腹裏經沐陽桃
源直至運河急發官兵圍住殺傷倭寇彼即砍碎投
入河內半夜取民間岸上漁舟擡入河中用菱楸棹
過南河次日官兵沿途追勦賊被損傷偶因三四日
間驟風大雨我兵火藥既濕弓膠又軟全不得力賊
於黑夜又奪麥船從至岸過河遂至馬頭巡司賊雖
不多軀壯悍惡裸形如獸掄刀如飛詭計姦謀變幻

莫測若不擒斬盡絕但得餘賊還巢彼必勾引深入
江淮之間殊爲可憂卽今仰仗 天威勦滅盡絕通
計先後斬獲首級四十四顆生擒二名奪獲倭刀陸
把倭弓二張箭二十三枝旗二面竹噐布袋二件驢
陸頭船一隻運河漕船舳舻相銜數百餘里並無損
傷地方亦無焚燒劫殺之慘照得徐州兵備副使劉
天授原任叅將王元伯往來淮泗披戴風雨部署奇
正指授方略淮安府同知劉一中清江造船廠把總
周表奔走水陸親冒矢石率先兵勇竟收全勝知府
蔡揚金職在專城志期滅賊城垣郊市晝夜巡行噐

械芻糧頃刻立辨以上各官皆能仰體聖心效勞於軍旅者也數臣之功劉一中爲最諸兵之功王大文爲最再照劉一中本文職官員旬月之間劉團浦馬頭巡司二處領兵部下先後斬獲首級六十顆生擒四名即今軍旅之才委的難得本官陞賞相應查議王大文係邳州衛義勇調守昌平給與冠帶官斬獲真倭首級二顆戴罪報效吳郁原任鹽城所百戶問發充軍終身先在廟灣劉團浦地方父子斬獲真倭首二顆今又爲首斬獲真倭首一顆劉翔係淮安衛左所副千戶斬獲真倭首一顆俱不願領賞所

哥夫一室

首生擒功次發淮安府推官徐大壯紀驗明白分別
真倭從賊等第臣即欽遵兵部題奉 欽依事例諭
以 皇上恩威動支淮安府庫官銀登時給賞除將
陣亡被傷兵勇行令有司優恤地方有罪人員查明
另行外緣係仰仗 天威勦滅淮北倭寇事理未敢
擅便嘉靖叁拾肆年陸月拾貳日進奉 聖旨

斬獲江北倭寇疏

題爲仰仗 天威斬獲江北倭寇首級事本年六月
初六日據整飭淮揚海防兵備右叅政蕭副使張景
登呈續據呂四餘東等場報有倭寇登岸該本道會

同原任叅將喬基差百戶伯永福衛鎮撫呂圻前去
截殺因恐軍不向前將各官俱編入行五隨軍勦捕
於五月二十七日據海門縣申據典史余廷舜下兵
王秀等斬獲首級一顆倭帽一頂六室斬獲首級一
顆馬勦等斬獲首級一顆藤棍一根二十七日辰時
百戶伯永福在餘東場地方親自斬獲首級一顆倭
弓一張箭十枝又據伯永福呂圻差家丁呂照稟爲
報功事五月二十九日巳時有倭寇前鋒約有五六
十人在於呂四場迤北放火劫掠永福帶領馬上家
兵四名與同同知印宋部下耆靈秦泮等竈勇百十

餘人合兵對敵。永福箭中數賊。獨馬衝入賊營。破亂秦泮。率兵四面攻殺。倭寇大敗。共斬首級三十五顆。末福兩陣自斬真倭首級二顆。得獲倭弓一張。倭槍一根。其老營倭寇正在呂四西場放火。殺人。聞風喪膽。竄東奔船。千戶羅表督兵追勦去訖。又據耆老秦泮稟稱。泮等隨即對敵。伯末福射中倭賊頭領。賊敗。被本官衝前。斬獲首級一顆。當日。前到本場。天晚宿歇。次日。泮與伯末福獨馬前。云青墩港倭船處。所看得大船六隻。兩岸搭蓬三箇。泮與本官隨。因計議。次日。齊兵埋伏與賊挑戰。至二十九日。巳時。不意前鋒

精銳倭寇約伍六十人在於本場北放火劫掠隨即
帶領家丁竈勇與同伯末福與賊對敵被伯末福連
中數賊獨馬衝營破亂泮率兵勇四面攻殺賊敗亂
走共斬首三十五顆內伯末福親自斬獲首級二顆
鎮撫呂圻斬首壹顆在內又據呂四場復報相同卷
查鎮撫呂圻前於伍月初一日親自斬獲首級一顆
今又斬首一顆共貳顆百戶伯末福親自斬首級共
三顆俱未領賞看得百戶伯末福前在通州能執旗
鼓勇城南之戰大致克捷今隨軍呂四編入行伍用
箭射敗倭賊又多斬獲之功鎮撫呂圻屢挫賊鋒所

向必勝值今地方多事正欲官軍觀感效力之時況將官之中如伯末福呂圻之謀勇誠不易得其所武功俱係編入行伍衝鋒親自斬獲衆目共見乞速行題請照例陞級以爲忠勇者之勸通共今次斬首三十九顆及本道所屬海州等處報到斬獲首級四顆理合呈報施行又據本道呈上年倭寇每到地方輒便焚舟深入窮寇失勢故可一鼓殲之今次賊多漳泉人在內運謀又係新到健倭常不離船得便卽入失利遂追又動分數枝牽制我兵崇明縣三丈浦賊船亦在彼中有久住之意今宜少緩以計破之故

先令陳嘉謨等水兵船隻守定三丈浦口爲必勦之
勢使倭寇不敢由水再犯通州遣伯永福呂圻率各
場并鄉兵勦呂四等處賊使彼首尾不相救又令各
地方堅壁清野使彼無所掠又必自敗今呂四等處
兩次大勝賊已破膽止是天雨大霧每每計不得行
又雨必晴晴則出奇設伏必盡滅之使不敢復窺江
北等因及據署管分守通泰原任叅將喬基亦呈相
同緣由到臣案照節報通州狼山海門呂四等處倭
寇四路奔突等情前來已行該道分布官兵防勦去
後今據前因卷查嘉靖三十三年四月二十四日該

臣題爲乞留軍職官員以保固地方事查得宿州衛
衛鎮撫呂圻百戶伯永福俱膂力過人弓馬閑熟曾
經戰陣效有勤勞若再被別省取用地方益致乏人
該兵部覆奉 欽依別省不得調取如有擒斬功次
照例一體陞賞已經行取各官向在海防退以備緩
急調用今伯永福斬獲真倭首級三顆呂圻斬獲真
倭首級二顆俱編入隊伍人員不願領賞所宜查例
酌處陞官以風勵將校者也如蒙 皇上勅下該部
再加詳議乞查上年通州殺賊有功邳州衛正千戶
張三該兵部覆奉 欽依陞指揮僉事事例將伯永

福呂圻照各斬獲功級伯永福係百戶陞參級呂圻
係衛鎮撫陞二級俱指揮食事仍與世襲庶幾賞不
逾時人心激勵况軍職官至指揮便可選充將領儲
將養才正其時也除將斬獲首級發揚州府通判史
朝賓紀驗併勘有功有罪人員至日另行具奏外
嘉靖三十四年六月十二日進奉 聖旨

僨運糧儲疏

題爲僨運糧儲事據江北等總把總運糧指揮食事
蔣環等各呈將催僨過所屬衛所兌完糧運接續過
淮緣由到臣又據浙東等總把總運糧指揮同知詹

懷世等呈稱所屬衛所派兌浙江糧米除先兌完開
行過淮外其餘有兌完糧米因被倭寇猖獗盤據地
方節奉覽兌等衙門明文省令官軍將船駕赴僻靜
湖港迴避以防疎虞不敢開行及有尚未開兌者警
報日聞未得寧息等情各呈前來據此案照嘉靖三
十四年分漕運糧斛四百萬石已經會派浙江等布
政司并應天直隸蘇松等府州依期徵收及行浙東
等十三把總官分撥官軍駕船領兌去後今據前因
會同提督漕運鎮守淮安地方總兵官南京中軍都
督府署都督僉事萬 查得今歲漕運糧斛四百萬

石內新舊事例折銀糧七十三萬四千伍百一十七石三斗三升九合蘇松二府被倭久據停兌糧六十一萬九千九百六十六石六斗六升七合存留軍餉糧九萬二千二百石實運本色糧二百伍十伍萬三千三百一十伍石九斗九升四合內除山東河南二省糧伍十七萬伍千六百石就彼起運外實該過淮糧一百九十七萬七千七百一十伍石九斗九升四合自本年三月二十六日起至本年六月二十一日止該臣等陸續督催過湖廣江西浙江應天直隸等司府州糧一百六十七萬八千伍百四十三石六升

俱已過淮前進其浙江嘉杭湖三府因避倭寇未曾
過淮并候題 請未兌糧二十九萬九千一百七十
三石九斗三升四合欲候盡催過淮方行 奏報但
今前寇未靜難以預期不無遲誤除嚴併司府文各
領運官員將未兌糧米上緊兌完候官員勦滅前寇
地方稍寧與已完避泊船隻星夜兼程前進過淮畢
日另行具 奏外嘉靖三十四年六月二十一日進
奉 聖旨

勦逐江北倭寇疏

題爲大勢倭賊擁衆入寇仰仗 天威官軍水陸夾

勝生擒斬獲首級事本年六月十八日據整飭
淮揚海防兵備右叅政兼副使張景賢呈本月初八
日午時據狼山巡檢司報稱有倭船二十六隻賊一
千四百餘名自江南地方直指狼山等情到道當即
會同叅將喬基委鎮撫彭遙領兵三百名先據狼山
賊即東行去狼山十餘里王竈港別港柴港等處地
方連船屯聚去通州城十餘里比因久雨城牆周圍
倒壞二十六處共計長一百八十八丈七尺修砌不
及本道會委義勇官王美領兵三百名列陣東門外
義勇官丁友德領兵二百五十名列陣南門外鎮撫

吳子忠領兵一百五十名列陣西門外指揮張禾領
兵一百五十名列陣北門外以待選委千戶賈勇鎮
撫彭遙各領精兵四百名作爲遊兵應援同知印宋
領驍勇四百名作爲中軍教場劄營相爲犄角餘西
西亭金沙各場兵先因調至附近呂四場殺賊聞警
亦來策應賊見我兵有備不敢離船深入又令印宋
遣驍勇沙全葛奎道真曹富素奉陸春何桂等各領
精兵分爲四枝埋伏要路以防流劫鄉村遣千戶陳
嘉謨陳厚領水兵逼近賊船時常往來攻擊令賊晝
夜不寧初九初十十一等日水兵連戰數十合箭射

銳傷甚多因水上隔船未得首級賊勢益沮十二日辰時賊計舟六突東行被賈勇彭遙攻其北陳嘉謨陳厚攻其南上陸齊進賊大敗射傷落水者不計其數就陣擄千三陳嘉謨下耆民吳言張諫丘富等生擒從倭一名匪二卽身上有金環銀絲花碎金俱卽時賞給吳言等外耆民瞿裸斬獲首級一顆吳言斬獲首級一顆陳諫張丙顏隆斬獲首級一顆倭船二隻瞿栢斬獲首級一顆倭刀一把瞿懷斬獲首級一顆顏同知印安下兵沙全葛鑾等斬獲首級一顆陸春何桂等生擒從倭一名陳朝本家兵闕宙陸傑等斬

獲首級一顆吳儒何太何倫吳遷等共斬首級二顆
沙全吳珮等共斬首級二顆千戶賈勇下兵毛守錢
集斬獲首級一顆鎮撫彭遙下兵崔橋何紬等斬獲
首級一顆又據竈民江時報斬首級三顆倭刀二把
弓二張箭三枝又據海門縣兵許懋王秀等報斬首
級一顆餘西場官駙勇李昂等斬獲首級一顆曹鵬
奪獲牛一隻曹惟李逵曹三各奪驢一頭小驢一頭
倭刀一把卧單一條長衫一件又據軍犯張廷遂同
家丁張全斬獲首級一顆倭弓一張倭箭六枝又據
通州分司申據馬塘場竈勇鄒懋等生擒倭寇一名

鄒書并倭帽一頂等情各報到道據此今共奪獲倭
船三隻內有江南虜刼衣服一百餘包米一百餘石
俱給各兵分散以酬其勞賊帶傷東行仍催督各官
軍晝夜追勦用計襲擊獲功另報外今生擒倭賊三
名共斬首一十九顆等因又據本道呈爲報功事本
月十三日卯時據千戶陳嘉謨稟帖稱同趙隆朱雍
遵依密令調撥耆民楊雲路聞勤倪賢等兵船先鋒
追勦倭賊用將軍砲打壞倭船一隻落水倭賊不計
其數隨有次先鋒吳員瞿栢兵船併力齊攻斬獲倭
首各一顆并倭箭及袋其船仍被各賊救捨去訖等

因具報到道據此查得先該本道會同叅將喬基軍前聽用官李奇方宥密議潛發二將軍砲三將軍砲責令千戶陳嘉謨報效軍犯驍勇趙隆等前去遇便邀擊勦捕外理合呈報等因及據署管分守通泰原任叅將喬基亦報相同緣由到臣據此案查六月十一日先據海防道呈照得本道節差衛鎮撫呂圻等至呂四場水軍千戶陳嘉謨陳厚各領兵船在江南靖江縣追襲倭寇續據呂圻呈報於伍月二十九日在呂四便場與江時各又斬獲首級一顆又據圍隨驍勇顏隆報於六月初一日在靖江縣馬沙地方斬

獲首級一顆薛祥斬獲首級一顆張丙同千戶陳厚
部下水兵雷楫共斬首級一顆千戶陳嘉謨下峇民
馬栢等共斬首級二顆餘中場竈勇周貫等斬獲首
級一顆倭弓一張箭五枝海門縣典史余廷舜下兵
王秀等斬獲首級一顆成忻等斬獲首級一顆陸梧
等奪獲倭刀一把弓一張各報到道具呈到臣案候
類題間今據前因為照即今新舊倭船奔突江北
淮北上下二千餘里沿江沿海邊腹地地方出沒縱橫
官兵力能防禦不能登岸自山東日照縣登岸倭賊
直穿腹裏屯住清河馬頭巡司隨被官兵勦滅已於

六月十二日會本題 知外今倭船二十六隻賊至
一千四百餘人自江南地方直指狼山兵備張景賢
叅將喬基等親冒矢石水陸備兵夾攻力戰以致大
敗群賊狼狽開洋遁去實皆仰仗 天威也計今斬
獲首級三十一顆生擒三名奪獲倭刀伍把倭弓伍
張箭一十四枝牛壹隻驢四頭船三隻卧單長衫倭
帽各一件衣服一百餘包米一百餘石並無損傷地
方亦無焚燒劫殺之慘及照嘉靖三十四年倭寇屢
犯江北兵備張景賢等設謀督戰先後通計斬獲首
級二百九十三顆生擒并被虜其三十八名似應先

行量加褒賞其餘有功有罪人員仍照兵部原行通
候巡按御史查勘除將生擒斬獲功次俱發揚州府
通判史朝賓紀驗審問候巡按御史覈實具奏外
嘉靖三十四年六月二十一日進奉 聖旨

附錄

兵部爲仰仗 天威勦逐倭寇事職方清吏司案呈
奉本部送兵科抄出巡按直隸監察御史莫如士題
云爲照前項倭寇屢犯江北數遭挫衄乃者恃其庸
蠢復肆窺伺幸而仰仗我 皇上 德孚 天地化
洽海隅臣庶効忠士民奮勇總督漕運兼巡撫鳳陽

等處地方兵部右侍郎兼都察院右僉都御史鄭
乃能仰體我 皇上委任之重區畫周悉調度精詳
虛已受人雖寸長而必錄誠心率物傾群策以圖全
集徐穎宿毫之兵以壯其威練通泰海門之兵以資
其用廟灣等處防範惟嚴麻洋港口守禦克慎發銀
以置器械給賞以勵人心兵備叅政兼副使張景賢
忠勇性成謀慮精密兵機練習安不忘危陣勢通融
志在滅寇聞賊而毅然就道畧無避難之心料敵而
洞然甚明遂收擒逐之効雖未能盡勦無遺然賊聞
而膽寒敗而遠竄且沿海州縣塲竈赤子近頗二變

告成不致被其蹂踐三春煎辦不致妨其鹽課此固
江北莫大之慶也再照江南江北相爲掎角江南蘇
松等處近調有狼兵土兵刻期勦定誠恐南擊北奔
勢所不免如蒙伏乞 勅下該部行總督軍門并撫
操海防叅將等臣多方防禦設法勦捕或屯衆以截
其要衝或設伏以邀其潰散或整棚水軍以隨其向
往或齊集陸兵以迎其將來勿徒以江北土竈等兵
爲足恃萬一有警而不多方應援江之南北併力協
心務使此寇盡皆授首靡有孑遺庶兩淮漕運可保
無虞三十塩場可恃無失矣地方幸甚臣愚甚幸等

因奉 聖旨兵部知道欽此欽遵抄出送司案照先
該巡撫鳳陽都御史鄭 題前事該本部議行查勘
隄備去後今該前因查呈到部看得前項倭寇流劫
江北雖稱退遁但江南方整兵進勦奔逸肆潰勢所
必至江北地方委應戒備擬合就行爲此除外合咨
前去煩爲督行沿江沿海副叅守把等官率領所部
官軍在於各該要害處所嚴加把截如或奔突流劫
即便會合各該官軍併力截殺務使進無所掠退遭
挫衄共保無虞須至咨者

進繳 勅諭疏

奏爲 進繳 勅諭事臣節該欽奉 勅諭總督漕

運燕巡撫鳳陽等處地方欽此除欽遵外近於嘉靖
三十四年伍月初九日准吏部咨爲缺官事該本部
會推具題奉 聖旨鄭曉陞吏部左侍郎欽此欽遵
備咨到臣臣當卽望 闕叩頭謝 恩訖卷查先准
戶部咨爲公務事該本部題節奉 聖旨漕運官今
後着候交代欽此欽遵本年六月二十八日該新任
總督漕運燕巡撫鳳陽等處地方都察院右都御史
陳 前來沛縣地方臣將接收原奉達字二百七十
伍號雙馬 符驗一道并備賑救荒查催班操及臣

近奉查催錢糧 勅諭各一道漕運巡撫關防二顆
同見行文卷書吏交代接管外其臣原奉漕運巡撫
勅諭一道應合 進繳及照臣續奉招撫營田督理
海防 勅諭各一道係坐名亦應 進繳其一應事
務咨行本官查照督理徑自具題 請給外今照臣
到京所有前項 勅諭驗無擦損點汗合就包封
進繳

薦舉兵備官員疏

題為薦舉兵備官員事竊照臣撫屬地方原設新設
兵備官三員皆能感戴 聖恩勉脩職業但歷任不

同似難舉薦如整飭徐州等處兵備山東接察司副使劉天授陞任副使已久而徐州蒞事尚淺雖係賢能未敢薦舉外訪得整飭淮揚海防兵備湖廣布政使司右叅政兼按察司副使張景賢學以廣材而心術光明志以帥氣而德性堅定有賞有罰畢協群情匪亟匪徐適中機會出納錢穀既徵節儉於羔羊拊輯瘡痍尤播旬宣於江漢所謂經文緯武之器竟收亨屯濟蹇之功雖當風雨漂搖之時寔爲戶牖綢繆之計即其能戰而能守由其善斷而善謀惟其知微而知彰見其有體而有用整飭潁州等處兵備河南

按察司僉事朱舜民器度恢宏才訥精敏挫強以果
毅不察察以爲明撫順以宣慈不纖纖以爲惠清刑
獄則雀角鼠牙必得其情弭盜賊則童牛頽豕必防
其漸指揮若定足任干城剖決如流何妨盤錯豈惟
令行而禁止固已吏畏而民懷此二臣者皆賢能懋
著所當薦揚者也如蒙 皇上勅下吏部再加查訪
如果臣言不謬乞將張景賢陞任巡撫朱舜民仍陞
兵備廢名實相參資望並用知人安民除戎禦寇一
舉而兼得矣

公舉劾以勵廢官疏

題爲公舉劾以勵廢官事伏念臣本菲才待罪拊循
節該欽奉 勅諭官員有廉能公正者量加獎勸貪
酷不仁者從公黜罰欽此欽遵臣於所屬有司官員
詳加體察除有愆過者各量行戒飭訖按照淮安府
同知劉一中領兵剿倭一月兩捷先已叙功論薦兩
淮運司運使唐時淮安府推官徐大壯徐州知州胡
麟無爲州知州何寵泰州知州趙祖朝山陽縣知縣
史朝宜英山縣知縣李鳳俱任淺蘆州府同知李如
桂先已陞任宿遷縣知縣莫抑興化縣知縣曾梅俱
已調任天長縣楊完考稱復任以上各臣皆賢能不

敢槩舉外訪得揚州府知府吳桂芳才猷宣朗問學
純明豈第足以輯民情而綜理周密果達足以飭武
備而神思安閑錢穀之出納有經已知其端潔刑獄
之輕重不爽益見其精詳當倥偬之時不啻揮斤游
刃處紛華之地尤能崇雅黜浮淮安府知府蔡揚金
操履端凝政體練達明而且恕詩云不剛不柔介而
能容書曰有爲有守加之以師旅效兔置干城之功
因之以饑饉著鴻鴈勞來之績鳳陽府知府熊勉學
豁達而持之以沉毅慈惠而濟之以嚴明牧民馭衆
吏事既脩設險除戎武事亦舉淮安府通判党淳法

必明情仕不廢學勤以集事而耻於詭隨說以先民
而慎於防險鳳陽府推官苑圉賦質馴雅守職恭勤
聽民詞則原情而執法處民事則弊革而利興廬州
府推官董堯封資材雋秀操履靖恭理刑以明恕民
自不寃署郡以公平事克有濟六安州知州喻南岳
慈惠畜民果斷任事平徭均賦無復雲漢之憂內輯
外攘卒靖萑蒲之寇江都縣知縣周思久純良之質
不務於發揚績密之才寔優於幹事可謂不諂而不
瀆且能任怨而任勞泰興縣知縣姚邦材心與貌稱
才與行符臨民不敢拂其情專尚休息持身惟欲寡

其過每務謙冲以上數臣皆賢能昭著所當薦揚者也又訪得靈璧縣知縣魯洋凶狡存心貪鄙成性妻喪巧索祭禮偏擾士民徵收勒取父頭嫁禍門庫賑銀贖銀充滿囊橐聯枷聯杻踣道途恣其驕淫收買部民子女肆無忌憚挾持原問官司此則貪汙不職亟宜罷黜以除民害者也如蒙 皇上勅下吏部再加查訪如果臣言不謬將吳桂芳等擢用魯洋即行黜退則減否不淆而勸懲有在其於吏治不爲無補緣係公舉劾以勵廢官事理

舉武職以備擢用疏

題爲舉武職以備擢用事竊照各該巡撫官交代離任之日例得舉劾武職官員爲照人才難得而武職尤難臣所屬各官一年之間叅將守備運糧造船把總被劾黜追及漕司查革者梅希孔張壽松張弧戴崇文宣詔馮國柱蕭啟張啟宸凡八員矣以故不敢再行論劾及照原任叅將喬基張恒王元伯先因剿倭獲功已經叙薦守備儀真署都指揮樊景暘近已陞任中都留守司領班以都指揮體統行事高思謙運糧把總顧承勲將環造船把總周表俱任淺不敢驟舉外訪得中都留守司協同僉書袁吉存心

欽約蒞政詳明文事與武事兼脩干城無忝守官與
守身皆慎錢穀可司江南下江把總運糧以都指揮
體統行事署指揮僉事郭全仁才本明達志亦堅定
與人無競不屈法以徇人臨事有爲必任勞以集事
湖廣都司把總運糧署都指揮僉事常勲閱歷久而
事體已練幹濟勤而政務克脩江西都司把總運糧
署都指揮僉事華孟夙夜効勞而新故咸舉公私不
擾而操縱有方浙江都司浙東把總運糧以都指揮
體統行事指揮同知詹懷世外嚴毅而內寬平志雄
偉而才績密勞績已著嘗議無聞衛河造船廠把總

指揮同知潘準貧而有守嚴而不苛發厰官之姦賊
不死其黨而竟無怨言防海上之倭奴本非其職而
無難色以上各官才品雖殊俱堪器使如蒙 皇
上勅下兵部再加查訪如果臣言不謬將袁吉等量
加擢用以勵將校不惟漕政克舉而戎務亦脩矣緣
係舉武職以備擢用事理

薦舉境內人才疏

題爲薦舉境內人才事竊照各該巡撫官交代離任
例應舉薦境內人才以備任使臣待罪拊循地方除
原任山西布政使司右叅政胡松先爲預處安攘要

務以圖防禦實效事已經論薦外訪得原任刑科都給事中張侃正道忠厚孝友溫恭抱高壻射隼之才心行已孚於諫闥勵衡門樂饑之志足跡不至於公庭蓋已衡慮而困心惟知省愆而補過况年力正強似難終棄撫安累薦豈敢扶同如蒙 皇上勅下吏部再加查訪如果臣言不謬乞將張侃蚤爲錄用庶幾圖報有日而微臣薦賢爲 國之心亦少盡矣

附錄

兵部覆題嘉靖三十四年江北勦倭功次疏
兵部爲仰仗 天威勦逐倭寇事該本部題職方清

吏司案呈奉本部送兵科抄出巡按直隸監察御史
吳伯朋題內稱海防兵備右叅政燕副使張景賢勇
不避難智能料敵籌度素閑於平日分布切中乎臨
時遂收一方保障之功誠有千里長馭之畧之一臣
者勤勞尤著所當重加陞賞者也原任叅將喬基張
恒官雖投閑志存報國一聞警報卽就道而不辭
同心運謀知叅贊之有裨之二臣者所當及時錄用
而喬基則近已陞級仍當給賞者也徐州兵備副使
劉天授親冒矢石督戰益勒原任楊州府知府吳桂
芳逮議築城圍練有法淮安府知府蔡揚金調度効

糧軍旅不匱之三臣者雖無戰陣之勞實有區畫之益所當論功加賞陞俸者也淮安府同知劉一中通州同知印案海門縣典史余廷舜呂四場副使李政奮勇血戰軍民之保全是賴宿州衛百戶伯永福鎮撫呂圻邳州衛義勇官王大文先登陷陣寇賊之斬獲獨多內伯永福呂圻原係編入行伍而王大文則不願領賞人員以上各官所當照例陞賞者也周家橋把總張應詔宿州衛指揮張紉善泰州所千戶陳厚鹽城所百戶周俊泗州衛鎮撫戴堯臣廟灣場大使白景時餘西場大使白元高金沙場大使程良塏

馬頭城巡檢焦三省雖其擒獲名數查與賞格不同
然皆竭力禦防均爲忠勇可尚以上各官所當量行
巡撫衙門分別犒賞者也淮安衛軍罪指揮周官益
城所軍罪百戶吳郁原係調取殺賊俱有斬獲但周
官所犯情罪本重今止首級一顆遽難准贖相應暫
免發遣送發軍門聽用候再獲有功次另行議請
而吳郁父子則共獲首級三顆既免其罪仍當陞賞
者也通州所千戶秦鵬敵已對陣駕船開洋地方殘
燬罪將誰歸鹽城所千戶朱雄興化所千戶王文高
郵衛千戶楊豸職專脩倭縱賊登岸居民被掠心亦

奚安以上各官所當嚴行提問以懲怠玩者也壽州
衛指揮戈楊海州所千戶殷大勛趙良相王世祿百
戶黃學張漢汪濟舟孔胤時義李傑鎮撫徐守正淮
安衛百戶江東曉鹽城所百戶韓堂潘紹正三義鎮
巡檢耿光庭荻水鎮巡檢孟文德高橋巡橋白良佑
或恃勇而輕於迎敵或過怯而巧於規避殺傷雖云
不多職守則已大曠以上各官所當量行降罰以示
曲全者也東海把總楊天駿鹽城把總謝詔掘港把
總韓德禎高郵衛千戶羅表海州所千戶吳繼勲通
州所千戶陳嘉謨桃源縣知縣傅以智典史沃天章

沐陽縣知縣朱璣主簿熊卿典史任玉卿贛榆縣縣丞林松典史來復陽如臯縣主簿閻士奇餘東場大使張濟時或失堵截之不預或失於哨望之不先律以軍法亦屬有罪但承平日久武備漸弛卒有警急委難支持况其被挫遭劬之後均有追逐勦捕之勞內陳嘉謨接管倭倭失事之罪難免狼山奏捷擒斬之數頗多見今緣事巡撫衙門相應免提問罪責成後効以上各官所當原情準功以贖前愆者也狼山巡檢尹柰勇於赴敵以殞其身伊男尹仕義切於愛親以返其屍忠孝兩全父子無愧所當破格褒恤贈

官錄子以風死事者也再照原任巡撫兵部右侍郎
蕪右僉都御史鄭孤忠自特辟策畢用綜理周而
區畫當兵食咸充號令肅而威惠行將士效命淮揚
二郡獲奠安以無虞驅馳二年惟鞠躬而盡瘁據其
發跡指示之功允爲文臣武將之倡又當持行甄錄
以彰其忠而酬其勞者也如蒙勅下該部再加議
上請將鄭特行甄錄張景賢重加陞賞張恒等
及時錄用劉天授等加賞陞俸劉一中等照例陞賞
張應詔等量行犒賞吳郁等免罪仍行陞賞秦鵬等
提問戈楊等降罰楊天駿等免究尹柰等褒恤則功

罪旣明賞罰亦當人心知所激勸而地方重有攸矣
等因奉 聖旨該部看了來說欽此欽遵抄出送司
卷查原行事理相同案呈到部看得巡按直隸監察
御史吳伯鵬題稱江北淮揚地方有功失事人員委
官查勘是實及稱海防兵備右叅政兼副使張景賢
所當重加陞賞原任叅將喬基張恒所當錄用而喬
基陞任仍當給賞徐州兵備副使劉天授原任楊州
府知府吳桂芳淮安府知府蔡揚金所當加賞陞俸
淮安府同知劉一中通州同知印宗海門縣典史余
廷舜呂四場副使李政宿州衛百戶伯永福鎮撫呂

圻邳州衛義勇官王六文所當陞賞周家橋把總張
應詔宿州衛指揮張繼善泰州所千戶陳厚鹽城所
百戶周俊泗州衛鎮撫戴堯臣廟灣場大使白景時
餘西場大使白元高金沙場大使程良增馬頭城巡
檢焦三省所當量行犒賞淮安衛軍罪指揮周官遽
難准贖鹽城所軍罪百戶吳郁旣免其罪仍當陞賞
通州所千戶秦鵬鹽城所千戶朱雄興化所千戶王
文高邳衛千戶楊豸所當嚴行提問壽州衛指揮戈
楊海州所千戶殷大勛趙良相王世祿百戶黃學張
漢汪濟舟孔胤時義李傑鎮撫徐守正淮安衛百戶

江東曉鹽城所百戶韓堂潘紹正三義鎮巡檢耿光
庭荻水鎮巡檢孟文德高橋巡檢白良佑所當量行
降罰東海把總楊天駿鹽城把總謝詔掘港把總韓
德禎高郵衛千戶羅表海州所千戶吳繼勲通州所
千戶陳嘉謨桃源縣知縣傅以智典史沃天章沐陽
縣知縣朱璣主簿熊卿典史任玉卿贛榆縣縣丞林
松典史來復陽如臯縣主簿閻士奇餘東場大使張
濟時所當原情準功以贖前愆狼山巡檢尹柰伊男
尹仕義所當破格褒恤贈官錄子及稱原任巡撫兵
部右侍郎兼右僉都御史鄭 所當特行甄錄各一

節爲照淮揚地方帶江濱海前項倭賊或南自蘇松而來連舟不絕或西自青州而來百十爲群殺傷之慘遠近震驚焚劫之餘室廬蕩析一時將領脆弱營伍空虛若不足恃所賴原任巡撫侍郎鄭 每事經畫多方調度狼山巨捷一矢不遺日照連奴片旒未返臺中之薦揚累牘連編民之歌頌塞衢盈道北之江南得不償失者迥不相同應首論叅政張景賢副使劉天授宣猷宣力並著勤勞而張景賢之功尤當特論其餘有功叅將張恒等有罪千戶秦鵬等并死事巡檢尹柰旣該巡按直隸監察御史吳伯朋勘明

奏報前來勘酌重輕俱已允當內喬基雖經革任功
亦難泯相應通行議擬合候 命下將鄭 厚加陞
賞仍與錄蔭張景賢重加陞賞張恒附簿錄用與喬
基各加賞賚劉天授吳桂芳蔡揚金量陞俸級劉一
中印案余廷舜李政伯求福呂圻各量加陞級王大
文授以附近衛所所鎮撫張應詔等九員聽巡撫官
分別犒賞周官免其發遣軍門聽用吳郁免其軍罪
仍加陞級秦鵬朱雄王文楊豸并耿光庭等三員通
行巡按御史提問具奏指揮戈揚等十四員量加俸
級把總楊天駿等十五員免其究問陣亡巡檢尹柰

優爲贈官查給棺殮銀五十兩伊男尹仕義照例給
與冠帶免其雜差但恩威出自朝廷臣等不敢
定擬伏乞聖裁等因嘉靖三十四年十二月十四
日太子少保兵部尚書楊 等 十六日奉 聖旨
鄭曉陞二品服色俸級賞銀三十兩紵絲二表裏張
景賢陞一級銀二十兩一表裏張恒喬基各賞銀二
十兩劉天授等陞俸一級劉一中等各陞一級王大
文准與做所鎮撫張應詔等巡撫衙門分別犒賞吳
郁陞一級秦鵬等耿光庭等巡按御史提了問戈揚
等各降一級楊天駿等免究尹柰佳贈光祿寺署丞

伊男仍給與冠帶其餘依擬欽此欽遵擬合通行爲
此除外公咨前去煩照本部題奉 欽依內事理欽
遵查照施行

鄭端簡公奏議卷之十終